

REÛLS EN REGULASIES

LEES ASSEBLIEF SORGVULDIG DEUR

Inskrywings moet op die inskrywingsvorm wat voorsien word gedoen word. Inskrywingsvorms moet volledig en duidelik leesbaar ingevul en onderteken word en nie later nie as **Donderdag 3 Maart 2022 om 16:00**, die Kreatiewe Handwerk organiseerder, Posbus 377, BLOEMFONTEIN 9300, bereik nie. **Geen laat inskrywings sal aanvaar word nie.**

Aparte inskrywingsvorms moet vir elke afdeling gebruik word. Fotostate van inskrywingsvorms word aanvaar. Inskrywingsvorms, tesame met die nodige inskrywingsgeld, kan persoonlik vanaf **1 Februarie 2022** by die kantoor ingehandig word.

Inskrywingsfooie moet saam met die inskrywingsvorms gestuur word. BTW is ingesluit by die inskrywingsfooie.

E-pos inskrywings word aanvaar. Fooie moet met ontvangs van faktuur inbetaal word.

ALLE ARTIKELS PER POS MOET DIE KANTOOR BEREIK NIE LATER NIE AS **WOENSDAG 9 MAART 2022 voor 16:00**.

Slegs verteenwoordigers van Bloemskou sal in die saal toegelaat word wanneer vertoonstukke ontvang en uitgestal word. **Geen ander persone sal in die saal toegelaat word terwyl artikels beoordeel word nie, of gedurende voorbereiding van die saal nie.**

Alle vertoonstukke moet deur vertoners self gemaak wees en vir die **eerste keer** op hierdie skou vertoon word. Indien dit onder die aandag van die Skoubestuur kom dat artikels wat deur 'n ander persoon gemaak is ingeskryf word, of dat artikels herhaaldelik ingeskryf word, sal alle artikels wat deur daardie persoon ingeskryf is, summier gediskwalifiseer word. Artikels in die naaldwerkafdelings mag nie gewas wees nie.

Beoordeling geskied volgens die "Handleiding vir Tentoonstellings en Beoordelaars" soos deur die Departement van Nasionale Opvoeding, Tak Kultuurbewaring, saamgestel, en is beskikbaar by die **Staatsdrukker**, Privaatsaak X85, PRETORIA 0001.

Kruisinskrywings word nie toegelaat nie.

Vertoners wat in meer as een afdeling kompeteer, moet asseblief artikels apart verpak vir elke afdeling, duidelik gemerk.

Onmiddellik na ontvangs van inskrywingsvorms en fooie, word vertoneretikette aan vertoners oorhandig of gestuur. **Hierdie etikette moet deeglik aan vertoonstukke geheg word.**

Ingeval beoordelaars vertoonstukke nie 'n eerste prys waardig ag nie, behou hulle die reg om 'n tweede of geen prys toe te ken nie, selfs al is daar net een inskrywing in die betrokke klas. Alleenlik persone wat geen belang het by artikels wat beoordeel word, sal as beoordelaars aangestel word. In alle gevalle sal die beslissing van die beoordelaars finaal wees.

As koördineerders vind dat artikels wat vertoon word nie in die regte klas ingeskryf is nie, is hulle geregtig om dit oor te plaas na die regte klas. In alle gevalle moet sulke oorsplasinge kruisverwys word in die betrokke beoordelaarsleër.

Enige vertoner wat appél teen die beslissing van 'n beoordelaar wil aanteken, moet die appél skriftelik uiteengesit, met redes en saam met 'n bedrag van R30.00 by die Kreatiewe Handwerk organiseerder vóór 13:00 op die tweede dag van die Skou inhandig. Prys-geld sal nie uitbetaal word alvorens die Uitvoerende Komitee van die Kreatiewe Handwerk afdeling tot 'n besluit, wat finaal sal wees, gekom het nie. Ingeval die appél van die hand gewys word, sal die vertoner die bedrag van R30.00 verbeur.

Prys-geld sal kontant uitbetaal word wanneer vertoonstukke afgehaal word op die Dinsdag na afloop van die skou.

Bloemskou verseker die inhoud van sale tot 'n beperkte bedrag teen brand maar sal nie verantwoordelik wees vir enige verlies of skade wat deur vertoners gelyg word nie.

Posgeld vir terugsending van vertoonstukke moet reeds met versending betaal word. Slegs vertoonstukke wat per pos versend word sal weer op dieselfde wyse teruggestuur word. Pakkies wat persoonlik ingehandig is, moet weer persoonlik afgehaal word. Koördineerders word vriendelik versoek om geen pakkies te ontvang wat nie behoorlik verpak en gebind is nie.

NB!!! VERTONERS OF GEMAGTIGDE PERSONE SAL NIE VOOR 15:30 OP DINSDAG 10 MEI 2022 TOEGELAAT WORD OM VERTOONSTUKKE AF TE HAAL NIE. Alle vertoonstukke moet op hierdie dag afgehaal word deur die vertoner self met die vertoon van die ontvangsbewys van inskrywings. Artikels sal slegs aan 'n ander persoon oorhandig word met die toon van 'n skriftelike toestemmingsbrief van die vertoner. Afhaal van artikels, Dinsdag **10 MEI 2022** vanaf 15:30 tot 17:30. **Bloemskou aanvaar geen verantwoordelikheid vir artikels wat nie op hierdie dag afgehaal word nie!**

Bloemskou behou die reg voor om inskrywings sonder verstrekking van rede te weier/onttrek. Bloemskou behou die reg voor om inskrywings met eksplisiete naakte, gewelddadige en politieke temas te weerhou van beoordeling of uitstalling.

Vertoners mag artikels te koop aanbied in die Kreatiewe Handwerksaal. Sulke artikels moet 'n "Te Koop"-etiket aanhê en 10% van die verkoopprijs moet aan Bloemskou oorbetal word.

Bloemskou sal nie verantwoordelik wees vir enige spesiale pryse geskenk deur donateurs, wat na die skou om enige rede nie opgeëis kan word nie.

Punte word as volg toegeken:

- Eerste plek 3 punte
- Tweede plek 2 punte
- Derde plek 1 punt
- Spesiale Pryse 2 punte addisioneel by 'n eerste plek

Bloemskou sal nie verantwoordelik wees vir enige borg wat onttrek nie.

Datums van beoordeling mag verander.

**ELKE AFDELING HET SY
EIE INLIGTING/REÛLS EN
REGULASIES.
LEES DIT ASSEBLIEF
SORGVULDIG DEUR.**